

# 中國憲法

342  
9 p

# 中 國 憲 法

董 霖 著

國 際 編 譯 社 翻 譯 專 學 會 出 版

國 民 圖 書 出 版 社 印 行

中 华 民 國 二 十 年 一 月

# 中國憲法目錄

引言

第一章 清末立憲時期（民國十四年）

一、憲法大綱

二、十九信條

第二章 民國初建時期（民國八年）

一、中華民國臨時政府組織大綱

二、中華民國臨時約法

三、中華民國國會組織法

四、中華民國憲法草案（民國二年）

五、中華民國大總統選舉法

中國憲法

目 錄

第三章 袁氏執政時期

袁世凱

一、中華民國約法

民國二年

二、修正大總統選舉法

第四章 南北分立時期

一、修正中華民國國會組織法

大總統

二、中華民國憲法草案（民國八年）

三、中華民國憲法

四、中華民國臨時政府制

第五章 中華民國憲法草案（民國十四年）

一、國會非常會議組織大綱

七、中華民國政府組織大綱

第五章 國民政府時期

一、國民政府組織法

二、中華民國訓政時期約法

三、中華民國憲法草案（民國二十五年）

中國憲法

# 中國憲法

## 第一章 清末立憲時期

一、憲法大綱（光緒三十四年八月二十七日頒布）

自天甲以來，人主立憲，不空虛也。東西民主立憲各國，固皆不同，遺詔曰：「清末內政不修，外交失利，朝廷初無立憲誠意，嗣因革命運動勃興，民主潮流激盪，始知非改弦易轍，終難苟安。」乃於光緒三十一年七月命載澤、端方等五大臣出詳考察政治，翌年返國，奏陳非立憲無以杜革命，建議仿行立憲制度。時中國駐外使臣亦以此奏議。清廷迫於時勢，於七月十二日頒布預備立憲之上諭，承認載澤等所奏：「國勢之不振，實因上下相隔，內外隔閡，官不知所以保民，民不知所以衛國，而各國之所以富強者，實因共遵憲法，取決公論。」

光緒三十四年八月憲政編查館(一)仰承清廷意旨，奏陳憲法大綱並附臣民權利義務，議院法要領，選舉法要領，議院未開以前逐年籌備事宜清單。憲法大綱之立意及其必須由欽定而不應出自議院之主旨，具見於當時憲政編查館之奏摺中。憲法大綱之立意及其審議書……各國制度，憲法則有欽定民定之別，議會則有兩院之殊，故夫凡立憲自上之國，統治根本在於朝廷，宜使議院由憲法而生，不宜使憲法由議院而出。中國國體自必用欽定憲法，此一定不易之理。……則夫憲法者，國家之根本法也，爲君民所共守，自天子以至庶人，皆當率循，不容踰越。東西君主立憲各國，國體不同，憲法互易，論其最精之大義，不外數端：一曰君主神聖不可侵犯；二曰君主總攬治權，按照憲法行之；三曰臣民按照法律，有應得應盡之權利義務而已。其餘節目，皆以此爲根本。……故一言以蔽之，憲法者所以鞏固君權兼以保護臣民者也。臣等謹本斯義，輯成憲法大綱一章，首列大權事項，以明君爲臣綱之義；次列臣民權利義務事項，以示民爲邦本之義。雖君臣上下同處於法律範圍之內，而大權仍統於朝廷；雖兼採列邦之良規，

而仍不悖本國之成憲。……」（二）

由是可知憲法大綱之制定，實以鞏固君權為主要目的，如「萬世一系，永永尊戴」及「君上神聖尊嚴，不可侵犯」等條，仍不脫一姓專制之口吻。計凡行政立法司法大權，均集於君主一身；人民之消極權利如言論著作出版及集會結社等自由，雖略有規定，但皆空泛不着實際，蓋並無一監督機關足以糾正君主違法越權之行為。至於議院不過為君主之諮詢及法制機關，依憲法大綱及議院法要領所定，凡法律雖經議院議決而未奉詔令頒布，不能見諸施行；對於行政大臣之違法情事，議院祇可指實彈劾，不得干與朝廷黜陟之權；即議員在院內發言亦無自由，如有誣謗朝廷之語，應受懲處；同時，議院之召集、開閉、停展及解散之權，亦操之君主。（三）是與歐美議會政治制度相較，不管南轍北轍。憲法大綱不合三權分立之原則，論者謂採自日憲，蓋合君上大權及臣民權利義務二十三條中，有十七條與日憲相同也。（四）

註一 憲政編查館乃於光緒三十三年七月由政治考察館改組而成。政治考察館之設

置，始於光緒三十一年十月，仿自日本明治十六年創立憲政調查所之先例。

註二 大清光緒新法令（商務，宣統元年），冊二，類一，頁二五十一二七。

註三 參閱議院法要領各條。

註四 參閱楊幼炯，近代中國立法史（商務，一九三六），頁五五一一五六。

乙 儀文

憲法大綱（光緒三十四年八月二十七日頒布）

君上大權：

一、大清皇帝統治大清帝國，萬世一系，永永尊戴。

一、君上神聖尊嚴，不可侵犯。

一、欽定頒行法律及發交議案之權。（凡法律雖經議院議決而未奉詔令批准頒布者，不能見諸施行）。

二、召集、開閉、停展及解散議院之權。（解散之時，即令國民重行選舉議員；其被解散之舊議員即與齊民無異，倘有抗違，量其情節以相當之法律處治）。

一、設官制祿及黜陟百司之權。（用人之權操之君上，而大臣輔弼之，議院不得干涉）。

一、統率陸海軍及編定軍制之權。（君上調遣全國軍隊，制令常備兵額，得以全權執行；凡一切軍事皆非議院所得干涉）。

一、宣戰，媾和，訂立條約，及派遣使臣，與認受使臣之權。（國交之事由君上親裁，不得付議院議決）。

一、宣告戒嚴之權，當緊急時，得以詔令限制臣民之自由。

一、爵賞及恩赦之權。（恩出自上，非臣下所得擅專）。

一、總攬司法權，委任審判衙門，遵欽定法律行之，不以詔令隨時更改。（司法之權操諸君上，審判官本由君上委任，代行司法；不以詔令隨時更改者，案件關

繫至重，故必以已經欽定法律爲準，免涉紛歧）。

一、發命令及使發命令之權；惟已定之法律，非交議院協贊，奏經欽定時，不以命令更改廢止。（法律爲君上實行司法權之用，命令爲君上實行行政權之用，兩權分立，故不以命令改廢法律）。

一、在議院閉會時，遇有緊急之事，得代法律之詔令，並得以詔令籌措必需之財用；惟至次年會期，須交議會協議。

一、皇室經費應由君上制定常額，自國庫提支，議院不得置議。

一、皇室大典，應由君上督率皇族及特派大臣議定，議院不得干涉。

附臣民權利義務（其細目當於憲法起草時酌定）

一、臣民中有合於法律命令所定資格者，得爲文武官吏及議員。

一、臣民於法律範圍以內，所有言論、著作、出版、及集會、結社等事，均准其自由。

臣民非按照法律所定，不加以逮捕、監禁、處罰。

臣民可以請法官審判其呈訴之案件。

臣民應專受法律所定審判衙門之審判。

臣民之財產及居住，無故不加侵擾。

臣民按照法律所定，有納稅當兵之義務。

臣民現完之賦稅，非經新定法律更改，悉仍照舊輸納。

臣民有遵守國家法律之義務。

附議院法要領（其細目當於釐訂議院法時酌定）

一、議院祇有建議之權，並無行政之責；所有決議事件，應恭候欽定後，政府方可得奉行。

一、議院提議事件，須關乎全國公同利害者，不得以一省尋常地方之事提議。

一、君上大權所定及法律上必需之一切歲出，非與政府協議，議院不得廢除減削。

(其細目另於會計法內定之)。

一、國家之歲出、歲入每年預算，應由議院之協贊。

一、行政大臣如有違法情事，議院祇可指實彈劾；其用舍之權，仍操之君上，不得干預朝廷黜陟之權。

一、議院所議事件，必須上下議院彼此決議後，方可奏請欽定施行。

一、議院有上奏事件，由議長出名具奏。

一、議員言論，不得對朝廷有不敬之語及誣謗毀辱他人情事，違者分別懲罰。

一、議院開會之際，議長有指揮警察警衛議場之權；如有違議院法律規則者，議長得禁止其發言或令退出議場。

一、議員如有選舉不合資格者，由議長審查得實，隨時立予除名。

一、各省士紳所設研究議會之會社，應遵照政治結社集會律辦理，不准藉此斂派銀錢，擾累地方，虛偽由地方官封禁懲治。

附選舉法要領（其細目於釐訂選舉暫時綱定）

一、議院舉行選舉事宜，俱由府、廳、州、縣各官署實行監督。

一、不合於選舉資格者，不得有選舉權及被選舉權。（如平時悖謬營私武斷者，曾處監禁以上之刑者，營業不正者，失財產之信用被人控質尙未清結者，吸食鴉片者，有心疾者，身家不清白者，不識文義者等項。違者立即撤銷）。

一、舉行選舉之期，應設管理員、監察員，於投票、開票時，嚴加省視以防舞弊。

一、違背選舉章程者（如以詐術濫登選舉人名冊或變更選舉人名冊者等項），另定罰則，分別科以監禁、罰金。

一、選舉用投票之法，以得票多數而合例者方准當選。（向來地方公舉紳董之事，名爲公舉，或由官長授意，或由三數有力之紳推薦，不免有瞻徇情面，不孚衆望之處；今用投票法，層層節制，期於力矯前項弊端）。

一、凡人民於選舉之前，非在原籍地方居住滿一年以上者，暫停其選舉及被選舉

權。

二、十九信條（宣統二年九月十三日頒布）

甲 概說

宣統三年八月十九日（即國曆十月十日），革命軍起義於武昌，清廷大為震恐，當即召集資政院臨時會議，籌議妥策。（一）該院多數主張取消親貴內閣，制憲須求人民協贊，赦免政治犯及速開國會，均經裁可。然革命怒潮正方興未艾，漢州統制張紹曾、協統藍天蔚等電陳清延憲草十二條，要求採納。資政院旋即奉諭擬訂憲法，當於九月十三奏准十九信條，十月六日清帝與攝政王宣告太廟，誓與國民永遠遵守。（二）

十九信條與憲法大綱迥異，富有「虛君共和」色彩，採責任內閣制，皇族不得任內閣總理，皇帝之權大削。憲法無復為欽定，其起草議決之權屬於資政院，而修改提案之權則歸於國會。且外交財政等大權不為君主所獨有，須經國會之議決。凡此種種，頗頗

英憲，合於議會政治之規範。惟國會對於總理大臣有彈劾而無不信任之權，殊違各國責任內閣制度之慣例。但大體言之，十九信條尚合時代潮流，使頒佈於十年之前，人心當可緩和，革命或不致即發。

註一、關於資政院之組織，資政院院章及資政院議員選舉章程等，見作者，中國政府（世界），三冊，一九四一），冊一，頁六一一八，一九一—三八。

## 乙 條文

### 十九信條（宣統三年九月十三日頒布）

第六

第一條 大清帝國之皇帝萬世不易。

第二條 皇帝神聖不可侵犯。

## 中國憲法

第三條 皇帝之權以憲法規定者爲限。

第四條 皇帝繼承之順序，於憲法規定之。

第五條 皇帝頒行之。憲法由資政院起草議決

第六條 憲法改正提案之權，屬於國會。

第七條 上院議員由國民於法定特別資格中公選之。

第八條 總理大臣由國會公選，皇帝任命之；其他國務大臣由總理大臣推舉，皇帝任命

之；皇族不得爲總理大臣，其他國務大臣，並各省行政長官。

第九條 總理大臣受國會之彈劾時，非解散國會，即內閣總理辭職，但一次內閣不得爲兩次國會之解散。

第十條 皇帝直接統率海陸軍，但對內使用時，須依國會議決之特別條件。

第十一條 不得以命令代法律；除緊急命令外，以執行法律及法律所委任者爲限。

第十二條 國際條約非經國會之議決，不得締結；但宣戰媾和不在國會開會期內，由國